

昌樂縣續志卷三十八

雜稽傳

雜稽云者以示別於正傳也或事關掌故足資異聞或說近荒唐理有可信筆削之餘棄之可惜彙而誌之亦逸史之類也作雜稽傳

列異傳北海營陵有道人能使人與死人相見同郡人婦死已數年往見道人遂令見之言語悲喜恩情如生

唐李清北海人少學道多延方士終無所遇求之愈切隋開皇四年嘗入雲門山窟遇老人授以書一軸甫半日歸視其城郭人民屋室皆變無一相識者訪其家則子孫輩皆云其祖嘗入南山不

昌樂縣續志

卷三十八

雜稽傳

一

知所終時則唐高宗永徽元年矣開所授書視之乃小兒醫方療之無不效者於是齊魯之人從之學者甚衆後入泰山不出

邑東南塔山俗名靈山又名覆甌山亦曰漑源山以漑水發源於此即在今房仕莊中間廣濟橋南泉之大南北長約五尺有奇東西廣四尺有奇深五尺許夏涼冬熱北流入濰境說文云漑水出東海桑瀆覆甌山世傳房仕莊古爲桑瀆城之南關城署遺址在房仕莊北二里餘今循行其處無復殘墟古垣破碎磚瓦爲多出土多瓦器銅器箭鏃錢鏡等物恒有獲者露天有時空中現城市形牆垣樹木人馬畢備觀者數倍戲劇日已高即無所見或數年或數十年一次東西各村皆見之惟房仕當其南邊在幻景內不

能見

澗水東北流經鵝山東麓當河之衝亂石嶙峋水激石鳴砢碎震崖谷西岸石崖下有穴口圓如井峭壁上刻龍潭二字端楷遒勁可愛未識何人所作好事者恐年久沒滅重鐫之失本形可惜潭窮極不可測每秋潦河汙泥塞洶之遞降似聯珠巨甕中曲曲通小穴可容人以次而大旱極洶輒雨前有數輩攜燭火欲窮其源至七層大數倍深亦不知幾許寒氣襲人身戰股慄不能當遂退出終不知其究云

邑南五十里高鎮莊東北田中掘尺餘中產石曰鐵石大如拳極大或如椀然不多得外圓中空破之內貯五色油泥細膩如脂以

昌樂縣續志

卷三十八

雜稽傳

二

質堅如鐵故以鐵名非鐵鑛也土人檢其佳者雕磨成硯水盒或鑲刻成茶壺亦頗有趣又高鎮東南五里許有村曰倫家埠坡村西南田中產黃色石大可五六寸好奇者磨刻成物品內露黑色松樹及山水人物魚鳥之形惜石質不甚堅潤無足珍此皆玩賞之品無關民生利用然造物之始其鎔結必具一種妙理錄之以俟博物者考焉

古者名山皆有封號其餘區區嶺阜大抵土人隨意名者居多邑南五十里北展集之西有鄧閣埠埠有廟相傳神鄧姓閣名字青雲唐時御醫隨太宗東征沒葬於此鄉人以其醫禱病輒愈立廟祀之遂以名其埠古碑湮沒而時碑言之纂詳其是否莫考地以

人傳亦不爲無因錄之以俟博雅君子

喬官街西半里許有喬官墳歷傳明代有喬姓官人夫婦攜僕赴任過此地官人病卒婦愁無聊夜且寐寤而生髭攬鏡自捫則美髯翁也謀諸僕僞以死爲官人婦者營兆道旁而葬焉官人婦攜僕之任去不知所終歷年多墳且有神異事禱焉輒應山樵野老所傳聞頗荒誕然嘗趾其遺蹟廣袤數武高不盈仞槁壤一堆歷五百餘年樵牧摧殘而不增不減巋然屹立且喬官街地以人名是必有鄭重傳之者豈無因而漫云然耶邑人曹菘堂有弔喬官詩二首並錄之 古塚巋然古道旁荒煙蔓草倍蒼涼一杯乾土留遺跡兩字喬官姓氏香 問是他鄉是故鄉里居名字總難詳

昌樂縣續志

卷三十八

雜稽傳

三

老農歷訴前朝事說到喬官口亦香 左傍山陰右水隈古墳屹立鬱崔嵬前朝勲業歸何處贏得荒涼土一堆

邑侯芑孫程公篤齋梁公先後知昌樂德澤在人數十年來父老話及往往悲感咨嗟歎息不已二公留別諸生各有詩亦甘棠之遺也並錄於此程詩云山環水抱古營陵報最當年善足徵士習詩書標節概民安耕鑿樂豐登風雄表海由來舊任重專城愧不勝謬縮銅符紆墨綬繭絲保障兩無能 仙風海上引迴槎來種河陽縣裏花儘有因緣留翰墨頻將事業課桑麻諸君好自勤耕讀如我何堪掛齒牙撫字催科勞且拙蹉跎空自擲年華 百年珍重舊家聲飲水曾留早歲盟偶向塵中甘作吏何期海上遽稱

兵優供膏秣原吾分苦累閭閻究不情父老幸能窺寸抱祇今兩
袖賸清風 自嗤頭腦太冬烘話別猶留未竟工古堞有時仍峙
雉長橋何日更垂虹印來鴻爪分明在唱到驪歌感戀同不待及
瓜便得代臨歧遽忍策青驄 梁詩云愧無政績紀甘棠召杜同
賡詎敢當農事宜先知稼穡儒修自古重文章鵬飛莫懈凌雲志
鸞嚙旋生泮水香愛聽書聲槐影裏征車已駕且徬徨 營陵攝
篆已經年愧播口碑載道傳敢謂絃歌深教化但將文字證因緣
流連此地鵑聲促翹盼諸君鷺序聯萬里鵬程宜自奮臨歧寄語
悵離筵

民國紀元頒行陽歷而民風急難變移三年秋德日搆釁日人攫

昌樂縣續志

卷三十八

雜稽傳

四

我膠濟鐵路虎視眈眈縣長堯階黃公恐民間滋事歲除夜禁止
爆竹親督警兵巡城邑紳趙鴻泰甫賓南元旦寄黃詩云光陰迅
速又經年人事天時屢變遷迎歲早梅全破臘向陽弱柳尚酣眠
新春易過從今始舊習難除自古然爆竹演成風俗久嚴行禁止
未能捐黃步其韻云陽年已過又陰年誰是滄桑感變遷但喜爆
聲將歲改卻忘臥榻有人眠金吾禁夜還多事木鐸尋春亦枉然
自係縣城貧者少金錢慨作義行捐蓋當日犯禁諸家罰令各捐
銅元一千分濟獄中罪人民翕然應命無怨之者其實心實政如
此

秦南山邑人里居行事無考惟據馮惟健

字汝至臨胸人
孝廉工詩賦

陂門山

人集有與徐昌樂一則云貴治有秦南山者敦樸敬慎中心無僞好學不倦於人寡校雖嘗筮仕南方一佐縣治擔簦歸來不殊寒素猶以授徒爲業轉移四方妻孥啼號殆所未免此亦箕山之流亞原憲之操致也執事爲邑尊隆道軌靜一流競若而人者所宜敦進以彰德美俾蒙澹臺之賞則賓禮之末則人知趨向而澆俗還淳矣自僕所知敢以告諸執事執事尙賢故僕以此言進惟左右其圖之據此則南山非碌碌者按前志秩官表嘉靖十六年丁酉縣令徐琮直隸柴溝堡人監生十九年庚子知縣徐慶堂浙江開化舉人所云徐昌樂當不出此兩人究不能確指爲誰也至所云筮仕南方一佐縣治者按前志選舉表嘉靖三年甲申有貢生昌樂縣續志

卷三十八

雜稽傳

五

秦豐浙江嘉興府桐鄉縣縣丞正與相符秦南山當即秦豐無疑意者罷官窮居馮公向徐說項不名而稱其別號如高南埠袁隨園之類與前志未爲立傳茲補錄於此

明天啓丁卯舉人邱隱君齊泰前志鄉賢傳備載學行而不詳其遇按隱君字登之邑城南邱家河人甲申鼎革後公貞介自守不試春闈大吏高其行折節招之終不屈時有老了頭之目因賦老了頭行以見志著作甚富詩附見營陵詩略有敢期知己垂青眼不妄千人到白頭之句隱居終其身安邱劉正宗通齋詩集有孤山行送登之諸作孤山行云採薇高風幾千載海上孤山今未改東倚若木西岱峯山頭片石何寵從春日君歸臥其下坐看丹河

向東瀉可想見隱君之爲人

閨秀梁秀仲詩名滿海內而讀其詩者往往並其里居莫考或考焉弗詳眞憾事也按閩香亭湘蕙秀仲傳云秀仲姓梁名頎別號袖石道人昌樂城西西郝村人也吾邑明季有劉姓字文度名芳遠者隱於繪事兼嗜詩酒秀仲其侍兒也文度晚年遷居安邱秀仲因嫁安邱韓齊鄰齊鄰字朋桓諸生之有文名者秀仲自幼能詩著有詩集行世爲時所賞盧雅雨山左詩鈔載其詩二首王漁洋古夫于亭雜錄亦言及之但云安邱人卻踏駁不實蓋傳聞之誤耳營陵詩存載其詩十一首山村夜坐云俯仰空庭四宇清浮雲掃盡晚烟輕梨花皓月元同潔風竹流泉不辨聲空谷人間春

昌樂縣續志

卷三十八

雜稽傳

六

亦寂短牆水近冷先生却思城市喧闐處簫鼓樓頭聽二更留別熊姊等閒羅襪踏春茵花信風傳正惱人驚別有時頻握手斷腸無計可留身情癡至此空如夢命薄如斯怕隔塵幾向萍蓬嗟聚散瀟瀟暮雨倍傷神贈陳麗人十年流落若耶西惱亂章臺柳色迷今日改妝連下拜空梁重問燕巢泥哭劉文度長缺三彈每自羞人琴俱杳淚雙流泉臺不銷幽魂住夜半期來舊處遊清明獨坐離情不喜問清明惹起傷心百恨生獨憶當年溪上事一番春夢付啼鶯又枕上雙痕起未勻樓頭憑看碧湖春癡情欲遣閒情去柳絮楊花泥煞人諸首皆言情之作其祠竈云國事荒荒變幾經願君走馬到天庭痛陳下界生民苦早向薇垣定帝星憂國憂

民之意溢於言表雖古忠臣義士存心不過如是豈僅如李宜安
朱淑眞之流馳名騷壇已哉中年而卒其夫哭以二絕云千里陰
寒障夕暉嶺頭愁幔雪飛飛夜來吟出松間韻知是詩魂迷路歸
雪壓梅花凍不支莫嗟零落少相知泉台自有謝家女可和因風
柳絮詩其吟詠之善伉儷之篤可想見也已

閨秀李氏號蘭坡安邱人嘉慶辛酉拔貢生官江南河庫道相茝
女邑文學傳陳植妻也以詩名著有蘭坡詩草其自歎云自歎遭
逢逆水船苦情幽緒太纏綿身非精衛難填海心比游絲易上天
杯影蛇弓偏惹怨浮生病骨有誰憐空流一把靈均淚半刻清閒
便是仙聞蛩一枕新涼百感生蟲吟四壁苦分明聽殘宇下瀟瀟

昌樂縣續志

卷三十八

雜稽傳

七

雨訴盡燈前脈脈情荒草叢煙秋寂寞蒼苔碧蘚月淒清商聲容
易催人老况爾哀音到五更燈花

用漁洋
秋柳韻

獨對燈檠欲斷魂花開

四照繞重門幔垂金屋春無際蕊落銀臺淡有痕乍暗乍明添畫
壁如茶如火寫江村煙霏霧結空虛相誰向羣芳譜上論巧避鴛
鴦瓦上霜伴人春草夢池塘清腴香散藏書篋的皜光凝織錦箱
妙諦誰能參妙相空花我借獻空王夜來喜報深閨內好譜新詞
付教坊九蓮燈影水田衣芥子須彌是也非多士案頭看不厭五
侯堂上見應稀根依小草憐心熱風捲殘花惜片飛頃刻奇葩開
妙手拈來一笑不相違良宵相對劇相憐點點流光淡淡烟雨露
未沾心尚結膏腴自潤恨長綿紅妝明燭看深夜火樹銀花記往

年是色是空成夢幻燃燈想像慈雲邊

老儒劉作梅字雪放清光緒間奇士也幼失怙恃寡兄弟家貧不能庇其伉儷遣去之頽然自廢隱於卜所得值隨手盡不少留贏餘豪於詩隨所遇而興勃發每逢佳山水輒流連數日不去嘯傲吟哦有不可一世之概其詩悲感蒼涼多憤世嫉俗語間雜以隱僻怪誕令人莫解尋常不以示人亦不自存稿涼涼然遊行江湖間世固不知其爲詩人也晚年遊益甚或數月不歸歸輒去一日與族衆告別人以其常也亦不以爲意竟在土地廟中端坐而逝非有所苦而自裁者豈前知亦果有術與異矣

全真道人者邑南鄙喬官廠大解召人也法名理信道號全真終

昌樂縣續志

卷三十八

雜稽傳

八

身不履亦號赤脚道人家世囊貧早失怙恃有兄福田出外無耗道人俗家趙姓名福勝自鬻於養牲家爲之食牛每至野輒積石父母塚上問之曰爲久計也少長傭同姓赤玉公家公喜其誠篤妻以婢儕偶以爲賀及醮期遁去莫知所之後二十年忽至村中觀音堂束髮道粧父老驚問所自來言出家勞山上清宮寧霞洞爲孫祖門下弟子思吾親有若敖之餒故就此爲拜墓計居觀音廟者數十年不飲酒不茹葷不食麵食或謂麵非道家所戒何不食曰吾父母常飢已雜糠粃不甘何忍食麵自來衣一破衲終身不易每數日即寂坐殿中坐恆二三日囑其弟子曰供茶三杯掛至靜牌於山門外村人見者自止諠譁不知其何以然也比晚命

工爲坐棺燒瓦佛語弟子曰吾脫凡時將余焚化入瓦佛坐棺葬焉後跌坐乃囑並茶無須七日後可視余至期視之身端坐右手握香指腮撫之已絕鼻孔玉柱長尺餘色紅而堅弟子王德生等遵教焚化積薪數車既熄面如生鬚髮依然弟子恐跪祝復焚移時卽化如所教葬筆山東側後經其處每夜靜更深聞山上作木魚聲云邑庠生趙廷棟爲之傳

邑自清咸同迄光緒初年科名寂寞石公輝珊令昌樂憂之切以爲或係風水所關詢諸星士郭瑞符云斯邑形勢損害頗多若先於書院右築一文星臺再於縣署土山上青龍方豎一木桿約二丈每夜掛一紅燈名曰文明燈如此補救當有靈驗石公如法建

昌樂縣續志

卷三十八

雜稽傳

九

設並作詩慶祝是歲秋闈榜發前望眼懇切一夜枕上作短句詩云午夜自籌虎榜名留儻不如意面定含羞愁愁誰知我心裏憂恍惚中夢見一道人問曰有何心事如此憂愁告以故答曰患去心頭喜上心頭莫愁莫愁我能解爾抑鬱無聊之隱憂未幾榜發中式三人竟破四十年天荒風水之說其果驗歟抑石令誠一之心有以致之歟今文星臺拆毀而文明燈亦久撤矣

柳泉社古城內舊有觀音古刹其創始莫考堂前古槐一株相傳金元間物榦欹枝疎偃蹇欲臥年久腹空僅存板皮一片斑駁如怪雲然三春先發九秋後凋未獲將軍之封亦無仲文之歎豈不中繩墨得保天年歟抑神靈呵護留此以與祠宇終始耶考古者

遊觀音祠宇類多摩挲此樹低徊流連形諸題詠茲摘錄之俾後之覽者庶古剝有所考焉邑人王夢九詩云幾經兵燹幾經霜夾道槐陰罨廟堂北海分封安故土南柯幻夢入仙鄉根深尚有中郎識花發曾催舉子忙莫問年華多少劫餘生不耐記滄桑

滕忻中邑南鄙農家子家赤貧性至孝母暮年病痿侍湯藥衣不解帶者數年生平齋戒敬惜字紙曾於途中拾遺金還其人無德色卒年四十一歲里人醵金葬之時有李繼唐者滕中表也染時疫垂危恍惚中見滕謂之曰汝壽盡幸齋戒持孝行吾爲若禱之送之歸李豁然病良已後李子映溪年十二歲被匪架囚閉幽室中夜深有一人親解其縛攜之出口曰余滕某也歸語爾父惟善行昌樂縣續志

卷三十八

雜稽傳

十

可弭災禍即在此無危矣及天明在村右雹泉廟中李感其靈應備述之爲建碑表墓噫異矣滕之死豈其仙去耶抑余聞之人惟聰明正直者身死而其神不沒滕之靈施不爽也固宜城南二十里有村曰韓信村村西有亮甲池北有安軍埠再北有前營後營二村相傳漢韓信擊齊軍破龍且時曾屯兵於此鄉人以名其村地以人傳或不爲無因云

白狼河西岸有村名釣魚台村東南隅當河之衝有臺高丈餘圍可盈畝係沙土所積險峭不可登上有古柏一株鬱葱可愛巋然立水中水南來湍激波翻深洄旋繞歷久不壞相傳古隱士曾釣魚於此後人因以名村天工歟抑人力歟其緣起莫考

元戴良字叔能浙江浦江人元詩選小傳良少學文於柳待制貫黃侍講潛學詩於余忠宣闕皆得其師承世居九靈山下自號九靈山人王禕謂其詩質而敷簡而密優遊而不迫沖淡而不攜上追漢魏之遺音而自成一家自元亡後故國舊君之思往往見於篇什其自贊曰處榮辱而不一齊出處於一致歌黍離麥秀之詩詠剩水殘山之句則於二子庶幾無愧蘇伯衡覽其畫像曰其跋涉道途也類子房之報韓其傍徨山澤也猶正則之自放殆欲終其身爲有元之遺民者歟按欽定四庫全書總目有戴良九靈山房集三十卷補編二卷元末流寓昌樂縣志僑寓有傳其過營邱諸作凡五首茲錄於左

昌樂縣續志

卷三十八

雜稽傳

十一

過營邱云營邱古齊國縣歷幾千春軌路偶經從延瞰一悲辛郭郭盡阡陌濠隍半烟雲日搖禾黍實暮走狐兔羣在昔商政熄於時周德聞聖賢相際會文武共經綸太公扶大業伯夷守其仁首陽遺節義東海爵功勛功勳誰獨久節義兩同湮物理有感觸長歎迴吾輪至昌樂秣馬安邱邑弭節昌樂縣道路正搔首郡邑走忽馳箭丹河已虎據穆陵復豺戰西拒擁戈矛南出張組練蒼茫黎庶錯愕動纓弁我行日已遠我力日已倦亨衢冀棲息異事駭聞見如何命不淑所至時輒亂既同喪家狗亦類焚巢燕僕御心盡灰妻孥淚如霰我道苟如此安得髮不變過營陵山川無變易人事有消亡堪歎鷹揚地都爲鹿臥場故基穿井邑衰草半濠隍

屬有遘歟歎登臨倍感傷寓昌樂淮海來時路東西幾日程一年
行萬里數口託孤城丹水方馳箭峻函未罷兵餘年已無幾坐此
欲何成次昌樂世亂何從託此身荒城牢落偶相親民情固洽初
來日兵氣終悲乍見人鉅鹿郡連來羽檄穆陵關近起烽塵攜家
避地頭俱白寇至更堪消息眞

山川之氣停蓄鬱積化爲雨澤本無足異然未有天將雨大聲發
於山間者惟城東南喬官鎮北三里許方山東麓有埠曰雨信埠
每陰雨前輒有聲隆隆如殷雷然遠聞數里外三日後必雨得毋
地竅通乎北海風水之氣鬱勃升騰相激而然耶抑有龍蛇諸物
鼓蕩陰氣感而斯鳴耶昔蘇東坡遊石鐘山始聞鐘聲亦以爲異
昌樂縣續志

卷三十八

雜稽傳

十一

及探險乃明其故方山東麓雨信埠之雷聲或者類是錄之以質
諸精於物理學者

昌樂縣續志刊誤表

			卷三三			卷三二		卷三〇	某卷	某頁	某行	某字	正
			二	二二	一九	五	一	二二	六	一九	二四	洗	誤
			一	九	七	一〇	五	一一	一九	二四	西	西	誤
			一二	八	一八	一	二四	二五	二四	二五	西	西	誤
			毋	黎	過	趙	藍	西	洗	西	西	西	誤
			毋	黎	過	趙	藍	西	洗	西	西	西	誤
				卷三八		卷三六		卷三四	某卷	某頁	某行	某字	正
			一一	一一	四〇	二九	七	五	三	一七	二一	送	誤
			一七	一五	二	一〇	一二	一一	一七	二一	二一	送	誤
			一	二五	一一	一二	一四	一一	二一	二一	二一	送	誤
			走		富	陵	智	福	送	送	送	送	誤
				走	富	陵	智	福	送	送	送	送	誤